



BASES REGULADORAS DA SELECCIÓN DE PROXECTOS DE DINAMIZACIÓN EDUCATIVA DA TEMPADA DE “CONCILIA VERÁN 2018”

1. OBXECTO

É obxecto das presentes Bases a selección dun proxecto de dinamización educativa, dirixido a nenos e nenas de 1º a 6º de Educación Primaria, para implementar as actividades de conciliación de verán 2018 a desenvolver no mes de xullo en catro centros educativos públicos da cidade a razón de 50 participantes en cada centro:

- CEIP AMADEO RGUEZ BARROSO
- CEIP CURROS ENRÍQUEZ
- CEIP DE PRÁCTICAS-ANEXA
- CEIP O COUTO

Precisarase un monitor/a titulado para atención a necesidades educativas especiais no CEIP “Curros Enríquez”.

2.- PREZO

O prezo máximo para implementar ditas actividades será de 14.958'67 € máis 21 % de IVE (3.141'32). 18.100 € IVE incluído para os catro centros.

No caso de ofertar proxectos individuais para cada centro o prezo quedaría como sigue:

- CEIP AMADEO RGUEZ BARROSO: 4.176'92 € (IVE incluído)
- CEIP CURROS ENRÍQUEZ: 5.569'23 € (IVE incluído)
- CEIP DE PRÁCTICAS-ANEXA: 4.176'92 € (IVE incluído)
- CEIP O COUTO: 4.176'92 € (IVE incluído)

3.-TEMPORALIZACIÓN:

As actividades desenvolveranse:

- nos 4 colexios durante o mes de xullo, de luns a venres en horario de 8 h. a 14:30 h.

4. PROPOÑENTES

Poderán presentar o proxecto de dinamización as empresas que ostenten plena capacidade de obrar, capacitación técnica e habilitación profesional, e que non estean incursas nalgunha causa de exclusión ou prohibición para contratar coas administracións públicas. E non teñan subscrito máis contratos menores, cualitativamente equivalentes, do 9 de marzo de 2018 á data de sinatura do contrato, que individual, ou conxuntamente supere a cifra de 15.000 € que consta no art. 118.1 da Lei 9/2017.

Cada empresa pode presentar:

- Para os catro centros un ou varios proxectos globais, ou
- Individualmente para un centro.

5. PRAZO E LUGAR DE PRESENTACIÓN DE PROXECTOS



Prazo de presentación: Os proxectos deberán presentarse nos 10 días hábiles seguintes ó da publicación na web www.ourense.gal.

Lugar de presentación: No Rexistro Xeral do Concello de Ourense. Praza Maior, 1. 32.005 Ourense, ou en calquera das formas contempladas no art. 16 da Lei 39/2015, de 1 de outubro, do procedemento administrativo común das administracións públicas.

O proxecto que a empresa presente debe entregarse en sobre pechado, indicando no exterior: "CONCILIA VERÁN 2018" e un título da proposta e dirixido á Concellería de Educación.

6. DOCUMENTACIÓN

Os proxectos de dinamización educativa conterán a seguinte documentación:

- Copia do CIF
- Declaración responsable de posuír todas as condicións necesarias para contratar coa administración pública e non estar incurso en prohibición de contratar así como o compromiso de posuír ou subscribir os pertinentes seguros antes do inicio da actividade.
- Curriculum da empresa.
- Oferta económica.
- Proxecto/s de dinamización educativa, incluíndo:
 - **Título do proxecto**
 - **Obxectivos**
 - **Contidos temáticos**
 - **Contidos específicos para alumnado con necesidades educativas especiais**
 - **Metodoloxía de traballo**
 - **Actividades**
 - **Atención á diversidade.**
 - **Recursos humanos: Número e titulación.**

Todas as actividades que se desenvolvan estarán orientadas cara a consecución por parte das e dos menores participantes, de hábitos de vida saudables, a fomentar actitudes solidarias e de convivencia, a promover a igualdade de xénero e o respecto cara o medio ambiente.

A empresa seleccionada deberá aportar todos os materiais necesarios para o desenvolvemento das actividades (incluídas fotocopias, equipos de son, medios audiovisuais...).

A presentación de propostas de dinamización educativa conleva a aceptación destas condicións de contratación.

7. COMISIÓN DE SELECCIÓN

A valoración das propostas corresponderá a unha Comisión integrada polo Xefe de Servizo de Educación e 2 Coordinadoras de Programas.

8. CRITERIOS SELECCIÓN

A Comisión de selección avaliará os proxectos presentados de acordo cos seguintes criterios valorativos:

- Calidade do proxecto formativo e a súa aplicación didáctica (ata 30 puntos)
- Mellor relación calidade/prezo (30 puntos)
- Adecuación da actividade aos obxectivos (ata 20 puntos)
- Ofertar incremento, respecto ó esixido no artigo 1 deste prego, na dotación de persoal titulado en atención a necesidades educativas especiais (Psicólogo/a, Pedagogo/a, Psicopedagogo/a ou Mestre de Educación Especial, PT/AL) (ata 20 puntos)



9. PUBLICACIÓN

As condicións de contratación serán obxecto de publicación na páxina web do Concello de Ourense (www.ourense.gal)

Estarán dispoñibles na Concellería de Educación en formato papel.

10. SELECCIÓN

A comisión de selección elaborará unha lista de ordenación decrecente dos proxectos presentados.

No caso de non ter demanda suficiente procederáse a anulación do programa “Concilia verán 2018”.

11. RESOLUCIÓN

O procedemento resolverase mediante decreto da Concelleira delegada de Educación con base ao listado de valoracións efectuado pola Comisión de selección. Dita resolución notificarase ao seleccionado e inxerirase na páxina web do Concello de Ourense (www.ourense.gal).

A selección implicará a posibilidade de realizar un contrato menor para a realización das actividades.

12. EXECUCIÓN PROXECTO

A Concellería de Educación resérvase o dereito de anular a execución de actividades de dinamización por imposibilidade de prestación ou inexistencia dun mínimo de persoas matriculadas por centro, sen que dita cancelación de lugar indemnización ou reclamación de ningún tipo.

Os proponentes encargados da execución das accións formativas estarán obrigados a cumprir coas disposicións legais vixentes en materia laboral e de Seguridade Social, estar ao corrente das obrigas coa facenda pública e administración local.

O seleccionado deberá presentar antes do inicio da actividade as pólizas dos seguros de responsabilidade civil e de accidentes

O persoal empregado na execución do proxecto formativo seleccionado vincularase exclusivamente co respectivo proponente, sen que exista vinculación laboral ou administrativa co Concello de Ourense, ademais de estar certificados polo Rexistro de Delincuentes Sexuais.

O proponente seleccionado comprométese a impartir a acción formativa de acordo ao proxecto presentado, así como a realizar control de asistencia do alumnado de conformidade coas directrices sinaladas pola Concellería de Educación.

Persoal da propia Concellería de Educación poderá realizar, cando o considere oportuno, o seguimento da actividade.

A empresa adxudataria entregará unha memoria final das actividades, a mais tardar o 16 de agosto de 2018. A citada memoria contemplará cando menos unha relación das actividades realizadas conforme ó proxecto, número de participantes, reportaxe fotográfica.

13. FORMA DE PAGAMENTO



O pagamento realizarase unha vez rematado o programa de dinamización educativa “Concilia Verán 2018” coa presentación da factura, expedida na forma legalmente establecida e con clara especificación das unidades facturadas, recursos empregados, retencións fiscais e impostos aplicables ás actividades desenvolvidas.

